

Сургъульчнрин производственн бригадс

„Сургъулин болн сургъм джин кѳдлмш олн ѳмтнѳ бѳѳл джиргълѳс, дамшлтас ола бийнъ салу кеглдѳѳх, — школин кѳдлмшт бѳѳх гол дугудундиг“ — Советск Союзин Коммунистическ партин XX-ч хург заасмн. Эн бѳѳсн дугудундиг уга кех — мана школин гол тѳрнъ болджана.

Мана тангъгчин Западн района зѳрм школин багшнрин коллектив общественн производителън кѳч-кѳлсиг школин сургъульла негдѳѳхин хаалгъар йовдж, зѳвѳр ик кѳдлмш кев. 8–10 классин 370 сургъульчнрас производственн 4 бригад эн районд бурдѳгдв.

Сургъульчнрин бригадт 1137 гектар газр батлгдв. Культурар болхла тер газр иигдж ховагдна: 609 гектар эрднн-шишѳ, 234 гектар нарн цецг, 201 гектар багц, 105 гектар темснѳ сад болн виноградник, нанъ чигн культурмуд.

Хаврин тѳрѳ тѳрлгнѳ кѳдлмш эклѳд уга бѳѳтл 1147 тонн шег-бог болн 735 центнер минеральн асрмдж ѳггдв. Сургъульчнрин бригадт 23 звенота, тер тоод эрднн-шишѳчнр, малчнр, темснѳ садчнр-виноградникѳд болн механизатормуд орлцна. Бригадин совет бурдѳгдв. Бригадин кѳдлмшин производственн зура кегѳѳд, эдл-ахун организацсла бооца кев 4) центнер эрднн-шишѳн буудя, 300 центнер силос, 15 центнер нарн цецг, 200 шаху центнер багцин ургѳцс нег гектар болгънас ургѳадж авх болдж, цуг селѳнѳ эдл-ахун зер-зевѳн бурн бутн хадгълх даалгъвр сургъульчнрин бригад бооцандан авсн. Бригадин член болгън кѳч-кѳлснѳ 100 ѳдр шингѳх болсн.

Тѳрх газр, селѳнѳ эдл-ахун зер-зев болн нанъ чигн техническ кергтѳ тоотинъ, тѳрх экинъ, кѳлгн-кѳчинъ, агроном болн механизаторин специалистнр совхоз болн колхозмуд гаргѳдж ѳгх болцхасмн. Хаврин кѳдлмшин цагт хот-хоолвр, бѳѳх герѳр, спортин инвентарѳр болн нанъ чигн юмсар бригадин чледѳд теткгддѳнѳ.

Сургъульчнрин бригад авсн даалгъврн кѳцѳв. Эрднн-шишѳг болн нанъ чигн культурин тѳрлгъиг агротехникин

зокалн кѳцѳдж кев. Зер-земшин садар болхла даалгъврн давулдж кѳцѳв.

Эрднн-шишѳ тѳрлгнѳд Гузенко С., Дзюба Р., Цакирова К., Стеланцов В., Басангов А. болн нанъ чигн сургъульчнр сѳѳнѳр кѳдлцхѳв. Бригадин цуг кѳдлмшт Минкин А. Я., Бавина М. И., Гадецкая Н. В., Курилова А. И. болн нанъ чигн багшнр шунмгѳа кевѳр орлцдж, чадмг кевѳр гардцхѳв.

Малчнрин звенос 10 мингъ шалу гууджмл, нугъсд болн гахан 16 кичг ѳскдѳнѳ. Гаха ѳсклгнѳ бригадиг Южный совхозин школин 8 ч классин сургъульч Левченко Мария гардджана. Совхозин, колхозин болн школин трактормудар болн машинѳр механизатормудин звенос шегбог болн суперфосфат зѳѳдж, культивац кев. 8–10 классин сургъульчнрас шофермѳд болн трактористнр беллгдв. Бригадин чледин кѳчн-чидлѳр цуг кѳдлмш кегднѳ.

Производителън кѳч-кѳлснд сургъульчнр орлцлгн, тедниг ѳдгѳ цагин советск улсин кѳч-кѳлснѳ джиргълд орлцулдж, олн-ѳмтнѳ кергтѳ хамгинъ кедж гаргългнѳд тедниг ѳбрѳлдж, медѳллгн болдж гарчана.

Багшнрин болн школин гардачнрин сургъульчнрин бригад бурдѳлгнѳ ѳнтѳ эклцнъ сургъулин джилин туршарт физическ болн ухан-серлин кѳдлмшиг чикѳр ирлѳлдж олзлдж, ѳдгѳ цагт школин сургъульчнриг, общественн производителън кѳч-кѳлснѳ сургъульчнриг ниилѳлдж кедѳх зокал сѳн зокал болдж тоолгдджана.

Сургъульчнрин бригадин чледин седвѳриг районн организац болн совхозин, колхозин гардачнр югъгар болв чигн дѳнънцхѳнѳ. Керглдсн хамг техникѳр, специалистнрѳр, кѳлгн-кѳчѳр, нанъ чигн кергтѳ хамгар колхозмуд болн совхозмуд эдниг теткнѳ.

ѳдгѳ цагт ургѳц асрлгнѳд болн цуг культурин ургѳциг шулугъгар хурадж авхин кергт сургъульчнрин бригадс цуг хамг чидлѳн ѳгчѳнѳ.

КЕНДЫШЕВ З.

Багшнрин медрѳ ѳѳдлѳлгнѳ институтин кабинетин заведующ